

Broj: 03-04-368-3/26
Sarajevo, 24.03.2026. godine

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku

n/p gosp. Admiru Čavaliću, zastupniku ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 24-03-2026			
Org. jed.	Broj	Priloga	Vrijednost
05/1	-02-	67	/26

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u privitku Vam dostavljam akt Federalnog ministarstva zdravstva, broj: 01-33-1031/26 od 12. ožujka 2026. godine, koji se odnosi na zastupničko pitanje zastupnika Admira Čavalića.

S poštovanjem,



TAJNIK VLADE

dr. sci. Edita Kalajdžić

Privitak: kao u tekstu

Broj: 01-33-1031/26
Sarajevo, 12.03.2026. godine

VLADA FEDERACIJE BOSNE I HERCEGOVINE
n/p Tajnika

BOSNA I HERCEGOVINA FEDERACIJA BOSNE I HERCEGOVINE VLADA SARAJEVO			
PRIMLJENO: 23.03.2026			
Organizaciona jedinica	Klasifikacija	Redni broj	Broj priloga
03-09	-368-	3/2026	

Predmet: Odgovor na zastupničko pitanje, dostavlja se –

Poštovana/i,


Federalno ministarstvo zdravstva zaprimilo je dana 23.02.2026. godine akt Vlade Federacije Bosne i Hercegovine broj: 03-04-368-3/2026 od 16.02.2026. godine kojim se prosljeđuje zastupničko pitanje zastupnika u Zastupničkom domu Parlamenta Federacije Bosne i Hercegovine g-dina Čavalić Admiru.

Sukladno tome, dostavljamo odgovor Federalnog ministarstva zdravstva.

S poštovanjem,

MINISTAR

Dr. Nediljko Rimac



PRIVITAK:

- Kao u tekstu

**ODGOVOR
NA ZASTUPNIČKO PITANJE ČAVALIĆ ADMIRA,
ZASTUPNIKA U ZASTUPNIČKOM DOMU
PARLAMENTA FEDERACIJE BOSNE I HERCEGOVINE**

Sarajevo, mart 2026. godine

I

ČAVALIĆ ADMIR, zastupnik u Zastupničkom domu Parlamenta Federacije Bosne i Hercegovine, na osnovu Člana 11. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", broj 69/07, 2/08, 26/20 i 13/24) postavio je pitanje:

„Zanima me da li je Ministarstvo zdravstva FBiH počelo sa aktivnostima u vezi sa izradom pravilnika o uslovima korištenja medicinskog kanabisa?“

II

Na postavljeno zastupničko pitanje Federalno ministarstvo zdravstva, daje sljedeći

ODGOVOR

Vijeće ministara Bosne i Hercegovine je, na 87. sjednici održanoj 09.09.2025. godine donijelo Odluku o formiranju Radne grupe za izradu Nacrta zakona o izmjenama i dopunama zakona o sprječavanja i suzbijanja zloupotrebe opojnih droga.

Kao član iste, Federalno ministarstvo zdravstva učestvuje u aktivnostima vezanim za izradu predmetne norme, odnosno podzakonskih akata kojima će se regulirati uvjeti za propisivanje i izdavanje lijekova na bazi kanabisa.



Bosna i Hercegovina
Federacija Bosne i Hercegovine
Kantonarno tužilaštvo
Kantona Sarajevo

Broj: A-238/26
Sarajevo, 23.03.2026. godine

Parlament Federacije Bosne i Hercegovine
Predstavnički dom
Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 24-03-2026			
Org. jed.	Broj	Priloga	Vrijednost
05/1	-02-	91	/26

Predmet: Odgovor na zastupničko pitanje, *dostavlja se*
Veza: Vaš dopis br. 05/1-02-91/26 od 10.03.2026. godine

Kantonarno tužilaštvo Kantona Sarajevo je dana 11.03.2026. godine zaprimilo zastupničko pitanje dr. sc. Almira Čavalića, zastupnika u Predstavničkom domu Parlamenta Federacije Bosne i Hercegovine, u kojem se, između ostalih, od ove institucije traži informacija da li postoje istrage u vezi sa Kantonalnim javnim komunalnim preduzećem GRAS d.o.o. Sarajevo, koliko je u toku, dok je u obrazloženju zastupničkog pitanja konkretizovana prijava koju je podnio Ured za borbu protiv korupcije Kantona Sarajevo.

Nakon provjera u evidencijama ovog Tužilaštva, informišemo Vas da je u predmetu br. T09 0 KTPO 0174490 22 formiranom na osnovu krivične prijave Ureda za borbu protiv korupcije i upravljanje kvalitetom Kantona Sarajevo br. 20-04-230-16/22 od 10.01.2022. godine, u kojoj je navedeno da se ista podnosi protiv članova Uprava i članova Nadzornog odbora (kao odgovornih lica) u Kantonalnom javnom komunalnom preduzeću „Gradski saobraćaj“ d.o.o. Sarajevo zbog osnova sumnje da su kao članovi Uprave u vremenskom periodu od januara 2009. godine do decembra 2016. godine, propustili da blagovremeno nalože isplatu knjigovodstveno obračunatih poreznih obaveza i obaveza doprinosa nadležnim institucijama, koje su utvrđene Zakonom o porezu na dohodak FBiH i Zakonom o doprinosima FBiH, dok su članovi Nadzornog odbora istovremeno, u navedenom vremenskom periodu, propustili vršiti dužnosti nadzora nad poslovanjem preduzeća i radom Uprave, koja je normirana odredbama Zakona o javnim preduzećima Federacije BiH, Zakona o privrednim društvima FBiH i Statutom preduzeća, a što je u konačnici kao posljedicu proizvelo porezni dug Preduzeću od 131.059.519,60 KM (za period od 2009. do 2016. godine), čime bi počinili krivična djela Nesavjesno privredno poslovanje iz člana 242. Krivičnog zakona Federacije Bosne i Hercegovine (KZ FBiH), Zloupotreba ovlasti u privrednom poslovanju iz člana 247. KZ FBiH i Nepravilno izdvajanje sredstava pravnih osoba iz člana 275. KZ FBiH, dana 18.04.2025. godine donesena naredba o nesprovođenju istrage koju su donijeli tada postupajući tužioci Hadžismailović Aid i Mutevelić Mirza, koja nije konačna obzirom da tada postupajući tužioci nisu dali oštećenim pouku o pravu na podnošenje pritužbe. S tim u vezi, dana 23.03.2026. godine upućena su obavještenja Federalnom

pravobranilaštvu Federacije Bosne i Hercegovine kao zakonskom zastupniku oštećene Federacije Bosne i Hercegovine, Pravobranilaštvu Kantona Sarajevo kao zakonskom zastupniku oštećenog Kantona Sarajevo i Kantonalnom javnom komunalnom preduzeću GRAS d.o.o. Sarajevo sa poukom da protiv naredbe o nesprovođenju istrage Kantonalnog tužilaštva Kantona Sarajevo br. T09 0 KTPO 0174490 22 od 18.04.2025. godine koju su donijeli tada postupajući tužioci Hadžismailović Aid i Mutevelić Mirza mogu podnijeti pritužbu Federalnom tužilaštvu Federacije Bosne i Hercegovine, u roku od osam dana od dana prijema obavještenja.

Pored ovoga, tri predmeta oznake visoke korupcije, korupcije i privrednog kriminaliteta povezana sa Kantonalnim javnim komunalnim preduzećem GRAS d.o.o. Sarajevo su ustupljena Posebnom odjelu Federalnog tužilaštva Federacije Federacije Bosne i Hercegovine za suzbijanje korupcije, organizovanog i međukantonalnog kriminala početkom njegovog formiranja jer je to tužilaštvo stvarno nadležno za krivična djela krivična djela protiv privrede, poslovanja i sigurnosti platnog prometa kao i krivična djela protiv službene dužnosti i podmićivanja iz glava XXII i XXXI KZ FBiH (...) jer je vrijednost zahtijevane, obećane ili pribavljene imovinske koristi ili štete pričinjene učinjenjem ovih krivičnih djela prelazila iznos 100.000,00 KM.

Kantonalno tužilaštvo Kantona Sarajevo je mimo ovih predmeta, u drugim predmetima koji su povezani sa Kantonalnim javnim komunalnim preduzećem GRAS d.o.o. Sarajevo, postupa u četiri predmeta koja su u statusu otvoren, dok je postupalo u dva predmeta je donesena konačna naredba o obustavi istrage, u četiri predmeta je donesena naredba o nesprovođenju istrage, dok su u dva predmeta podignute optužnice (predmet br. T09 0 KTK 0072586 14 i T09 0 KTPO 0007731 09).

U odnosu na ostale upite Vašeg zastupničkog pitanja, isti nisu predmetom nadležnosti ovog tužilaštva, te Vas upućujemo na nadležne institucije.

GLAVNA KANTONALNA TUŽITELJICA
Melih Dugalija

